

Doorashada Xannaano Tayo leh oo ka Baxsan Saacadaha Dugsiga

Macluumaadka loogu talagalay Qoysaska

Waa maxay xannaanada ka baxsan saacadaha dugsiga

Xannaanada ka baxsan saacadaha dugsiga waxay bixisaa xannaano carruurta da' da dugsiga dhigata ka hor iyo ka dib wakhtiga dugsiga, maalmaha ardeydu ay dugsiga ka fasaxan yihiin iyo/ama fasaxyada dugsiga inta lagu jiro (xannaanada fasaxa). Adeegyada xannaanada saacadaha dugsiga ka baxsan waxay siiyaan carruurta fursado la kormeerayo oo ciyaareed kalana duwan iyo nashaad madadaalo jewi ammaan ah oo debeecsan. Adeegyadu waxaa laga yaabaa sidoo kale inay u sameeyaan dalxiisyo gaaban gaar ahaan xannaanada fasaxa gaarka ah.

Shaqaalaha xannaanada saacadaha dugsiga ka baxsan waxay bixiyaan nashaad fara badan oo loo qorsheeyey iyadoo lagala tashanayo carruurta iyo qoysaskooda, oo muujinaya ilmo kasta baahidiisa, wuxuu xiiseynayo iyo awoodiisa. Xannaanada saacadaha dugsiga ka baxsan waxay u soo bandhigtaa carruurta doorashooyin iyo waxyaalo loolan gelinaya waxayna ku dhiirgeliyaan inay yeeshaan xirfado nololeed, madax bannaani iyo saaxiibtinimo. Iyadoo la aqoonsanayo da' kooxeedka ka soo qayb gelaya xannaanada saacadaha dugsiga ka baxsan, carruurta waxay ka ciyaaraan door firfircoon sameynta go'aamada si loo hubiyo in jowiga yahay mid xooga saaraya carruurta oo waxyaalo ay ka helaan leh.

Sidee baan u heli karaa xannaanada saacadaha dugsiga ka baxsan?

Qoysasku waxay weydiin karaan dugsiga xaafadooda inuu leeyahay adeega xannaanada saacadaha dugsiga ka baxsan, ama haddii uu jiro adeeg dhow oo u sameyn kara xannaano saacadaha dugsiga ka baxsan carruurta dugsigooda dhigata. Qoysasku waa inay la xiriiraan adeega si ay u jeegareeyaan helitaanka iyo gaadiidka safar la kormeerayo inta u dhaxeysa adeega iyo dugsiga.

Si loo caawiyo qoysaska raadinaya xannaanada, Golaha Aqoonsiga Xannaanada Carruurta Qaranka (NCAC) ayaa ku bixiya magacyada adeegyada xannaanada carruurta si sahlan oo looga raadinayo tasiilaadka website kayaga ah (www.ncac.gov.au) ama adoo ka wacaya NCAC taleefankan 1300 136 554.

Maxaan raadinayaa?

Waxaa laga yaabaa doorashadaada xannaanada carruurta waxaa laga yaabaa inay saameyn ku yeelato qodobada kala duwan iyo qoysaska u raadinaya xannaano tayo leh carruurtana waxaa lagu dhiirgeliyaa inay fixgeliyaan waxa su'aalaha ugu wanaagsan ee aad weydiinaysaa ay noqonayaan iyo waxaad ka eegeyso adeega xannaanadu inuu leedahay. Waxaa sidoo kale laga yaabaa inaad dooneyso inaad isweydiiso su'aalahaan soo socda:

- Adeega ma la aqoonsan yahay? Weydii inaad aragto *Shahaadadooda Aqoonsi iyo Qoraalkooda Tayada*.

- Xannaaneeyayaashu ma ula hadlaan carruurta hab diiran oo saaxiibtinimo leh?
- Maxaa nidaam wacyigelin ah oo helayaa qoyskeygu? Maxaa ku dhici doonaa ilmaheya maalinta koowaad?
- Sidee baa layla soo socodsiiyaa isbedela shaqaalaha? Yaan kala hadlaa ilmaheya?
- Sidee baa loo ilaalinayaa ilmaheya?
- Nashaadkee ayuu sameyn doonaa ilmaheya? Sidee baa loo go'aamiyey nashaadkan?
- Maxaa natiijo celin ah oo layga siinayaa ilmaheya maalintiisa iyo sidee baa macluumaadkan laysoo gaarsiinayaa?
- Miyuu jiraa barnaamij qoran oo muuqda? Sidee buu qoysaskeygu ugu lug yeelanayaa qoysheenta iyo qiimeynta barnaamijka?
- Sidee buu barnaamijku ugu talagalay baahida shakhsiyeed ama baahida dheeraadka ah ee ilmaheya?
- Sidee baa loo dhegeysanayaa fikradaha iyo rayiga ilmaheya oo wax looga qabanayaa?
- Miyey alaabta lagu ciyaaro, qalabka iyo nashaadka uu heli karaa siinayaan doorasho ilmaheya oo ay fulinayaan xiisahiisa/heeda iyo awoodeeda/diisa
- Carruurta waa weyni ma xiiseynayaan loolana ma gelinayaan nashaadka iyo alaabta la siiyey?
- Miyey jiraan fursado uu ilmaheya kaga qaybgeli karo nashaadka halkaas oo ay sahamin karaan hawlaha dhabta ah ee noloshu? Tusaale, nadaafada shakhsiyeed iyo wakhtiyada cuntada?
- Miyey jiraan boosas uu kaga qayb galo ilmaheya cayiraaha firfircoonida leh iyo buuqa iyo sidoo kale cayaaraha degan?
- Miyuu jowiga gudaha iyo ka bannaanku iyo qalabkuba xiiso leeyihiin, nabdoon yihiin, ammaan yihiin iyo nadiif?
- Waa maxay siyaasada dabeecada lagu hayo iyo sidee bay u xaliyaan xannaaneeyayaashu haddii ay carruurta dagaalamayaan, ooyayaan, ama aysan la shaqeyn laheyn?
- Yaa masuul ka ah siinta cuanto iyo cabitaan ilmaheya? Cuntada la siinayaa ma ku filan tahay nafaqo se ma leedahay? Sidee baa baahida cuntada khaaska ah ee ilmaheya loo siinayaa?
- Miyuu jiraa macluumaad qoraal ah siyaasadeed iyo mid nidaam oo loogu talagalay qoysaska?
- Maxaa dhacaya haddii ilmaheya uu u baahan yahay daawo? Ka waran haddii ilmaheya jirado ama uu shil galo inta uu ku jiro xannaanada?
- Maxaa nidaam ah oo jira oo uilmaheya kaga qayb geli karaa qorsheynta, go'aan sameynta iyo sameynta xeerarka iyo wax ka iman kara?
- Miyey jiraan nidaamdyo lagula dhaqmo dabeecadaha aan habooneyn sida xoog u sheegashada?

- Sidee baa ilmaheyga dugsiga looga soo qaadayaa loona keenayaa? Sidee baa loola socodsiiyayaa ilmaheygu inay jiraan nidaamyadan?
- Waa maxay shuruudaha ammaanka ee la tixgelinayaa marka ilmaheyga laga soo qaadayo dugsiga ama la geynayo iyo dalxiisyada?

Waa maxay Hubinta Tayada ee Xannaanada Saacadaha Dugsiga ka baxsan?

OSHCQA waxay u qasdeysaa inay siiso carruurta da'da dugsiga xannaano tayadeedu sareyso oo kor u qaadeysa koritaanka iyo waxbarashadaba. Xooga waxaa la saarayaa ciyaarta, isdhexgalka bulshadeed iyo madadaalada.

Ujeedada ugu balaaran ee OSHCQA waxaa weeye in la hubiyo in carruurta ku jirta xannaanada saacadaha dugsiga ka baxsan inay helaan waayo aragnimo kicineysa oo wanaagsan oo dhawreysa kalsoonida iyo qiimaha nafsadeed. Sidaan ayey sameysaa iyadoo qeexaysa tayada xannaanada saacadaha dugsiga ka baxsan iyo iyadoo bixineysa si ay ku cabiraan tayada xannaanada ay qabtaan.

Adeegyada fuliya heerarka OSHCQA waxaa aqoonsi siiya NCAC. Adeegyada la aqoonsado waxaa la siiyaa *Shahaadada Aqoonsiga* oo laga rabo inay ku muujiyaan meel laga arki karo. Waxay sidoo kale helaan *Shahaadada Qoraalka Tayada* oo ku tusinaysa waxyaalaha ay gaartay adeegu iyadoo loo eegayo meel kasta oo Tayo. Qoysasku waxay codsan karaan inay arkaan *Shahaadadaan*.

Heerarka Aqoonsigu waxay ku saleysan yihiin 8 Meelood ee Tayo xannaano ee hubiya in adeegyadu ay siinayaan carruurta waayo aragnimada ugu wanaagsan.

8 Meelood ee Tayo ee OSHCQA

- 1. Xushamada Carruurta** – shaqaaluhu waxay taageeran ilmo kasta si ay u dhisaan kalsooni iyo qiimeynta nafsada iyadoo loo muujinayo xushmada la siinayo carruurta meesha ay ka soo jeedaan iyo awoodahooda.
- 2. Isdhexgalka Shaqaalaha iyo Xiriirka Carruurta** – shaqaaluhu waxay sameystaan xiriir dhexdooda iyo carruurta si loo hubiyo inay fuliyaan baahida xannaanada iyo cayaarta ee carruurta.
- 3. La shirkowga Qoysaska iyo Xiriirada Bulshada** – shaqaalaha iyo qoysasku way wada shaqeeyaan si ay u dhisaan xiriir ay la yeeshaan bulshada balaaran ee kale.
- 4. Qiimeynta iyo Barnaamijeynta** – barnaamij sameynta wax ku oolka ah iyadoo lala tashanayo shaqaalaha, qoysaska iyo carruurta, dib ayaa loo eegaa si loo hubiyo inay fulineysa baahida, xiisaha iyo awoodaha ilma kasta.
- 5. Ciyaarta iyo Horumarinta** – adeegyadu waxay aqoonsadaan baahida gaarka ah ee ilmo kasta iyo barnaamijyadana waxaa loo sameeyaa si loo taageero cayaarooda.
- 6. Caafimaad, Nafaqo iyo Wanaag** – adeegyadu waxay kor u qaadaan wanaaga, cunida cunto nafaqo leh iyo ku dhaqangelinta habab naadaafadeed oo wax ku ool ah gacmo mayrista iyo tallaalka.
- 7. Ammaanka iyo Xannaanada Ilaalada leh** – maamulka iyo shaqaaluhu waxay u horumariyaan ammaanka carruurta had iyo jeer, waxayna leeyihiin habab ay raacaan si ay tan u hubiyaan.
- 8. Maareynta si loo Taageero Tayada** – maamulku waa mid turxaan la, wax ku ool ah oo anshax leh Wixii macluumaad dheeraad ah ee ku saabsan Meelaha Tayada fadlan kala xiriir *Quality Practices Guide* (2003) OSHCQA.

Doorka qoysaska OSHCQA

OSHCQA waxay dhiirigelisaa adeeg kasta iyo qoysaskiisa si ay u wada shaqeeyaan oo horumariyaan dibna ugu eegaan falsafada adeega, siyaasada iyo hababka la raacayo. Tan waxay caawineysaa oo ay qaabeynaysaa waayo aragnimada carruurta iyo isdhexgalka u dhaxeeya carruurta iyo shaqaalaha.

Waxaa sidoo kale muhiim ah in qoysasku ay si xor ah uga la hadli karaan xannaaneeyayaasha carruurtooda ama shaqaalaha adeega waxyaalaha sida siyaasada adeega ee ku saabsan edebta, nadaafada, dalxiisyada gaagaban, tallaalka, iska ilaalinta qoraxda iyo ammaanka.

OSHCQA waxay ku dhiirigelisaa qoysaska iyo xubnaha bulshada inay noqdaan kuwo ku lug leh nashaadka adeega. Tani waxay caawineysaa in carruurta ay fahmaan bulshadooda oo ay dhisaan xirfadahooda bulshadeed.

Sidii aad wax badan uga Baran lahayd Xannaanada Tayada leh

NCAC waxay aad u dooneysaa inay caawiso qoysasku inay ka bartaan wax badan oo ku saabsan xannaanada carruurta ee tayada leh. Macluumaad ku saabsan Hubinta Tayada Xannaanada Carruurta waxaa laga heli karaa website ka NCAC. Nuqulo ka mid ah daabacaada QA waxaa sidoo kale laga heli karaa xarumaha iyo adeegyada.

Qoysaska wax saluugsan ku saabsan xannaanada tayada leh ee ay bixiso adeeg xannaano saacadaha dugsiga ka baxsan waxaa lagu dhiiri gelinayaa inay kala hadlaan airmaan adeega. Adeegyada Tayada leh waxay leeyihiin habab wax looga qabto cabashooyinka iyo xannaanaa oo bayaan ah cadna. Haddii aad soo sheegtay inaad saluugsan tahay arin ku saabsan tayada adeega xannaanada saacadaha dugsiga ka baxsan, laakiinse aan la xalin wixii aad saluugsaneyd, NCAC waxay leedahay hab ay ku xaliso waxyaalaha la saluugsan yahay, oo nuqul laga helayo website kayaga ama adoo taleefan u soo diraya NCAC.

Wixii macluumaad dheeraad ah ee ku saabsan xannaanada carruurta iyo doorashada adeeg tayo leh, fadlan kala xiriir NCAC **1300 136 554**.

Saacadaha Xafiiska: Isniin ilaa Jimce 8:30 subaxnimo – 5 galabnimo, wakhtiga NSW

Cinwaanka Boosta: Level 3, 418a Elizabeth Street Surry Hills Sydney NSW 2010

Taleefan: 1300 136 554 **Fax:** (02) 8260 1901

Imeyl: qualitycare@ncac.gov.au

Website: www.ncac.gov.au

Adeega Turjumaada Taleefanka wixii wicitaan afafka aan Ingiriiska aheyn -131 450.

Adeega Ugudbinta Qaranka ee dad soo wacaya ee hadalka iyo maqalka dhiman leh – 131 677.

Xiriirada kale ee Muhiimka ah

Lacagta Xannaanada Carruurta – lacagaha qoysaska si looga caawiyo kharashaadka xannaanada carruurta. Wac Xafiiska Caawimaada Qoyska 136 150 ama Centrelink –ga xaafada ama Xafiiska Medicare.

Arimaha Isticmaalayasha iyo Cadaalad Ganacsiga – haddii aad wax saluugsan tahay ku saabsan lacagaha xannaanada carruurta ama heshiisyada, la xiriir wasaaradda Gobolka ama Territoriyga masuulka ka ah arimaha isticmaalayaasha iyo cadaalad u ganacsiga.